



Мамлакатимизда аҳоли ҳаёти фаровонлигини ошириш мақсадида туб ислохотлар амалга оширилмоқда. "Обод турмуш йили" Давлат дастурида ҳам халқимизнинг муносиб яшаш учун ижтимоий-маиший шароитларни яратиш, янги турар жойлар қуриш бўйича аниқ чора-тадбирлар белгилангани шу мақсадга хизмат қилмоқда.

ЭЗГУ МАҚСАДЛАРНИНГ ҲАЁТИЙ ИФОДАСИ

Давлатимиз раҳбари юрт ободлиги, авваламбор, халқимизнинг, шу заминда яшаётган ҳар бир инсоннинг пок ниятлари ва мақсадларидан, кўнгли ободлигидан бошланишни алоҳида таъкидлайди. Бугун мамлакатимизнинг қай бир гўшасига борманг, ана шу кўнгли ободлиги самаралари — улкан янгиланишлар, бунёдкорлик ва ободонлаштириш ишларига гувоҳ бўласиз. Бу — мамлакатимизнинг, халқимизнинг мустақиллик

йилларида эришган энг буюк ютуқларидандир. Бу ўзгаришларни қишлоқларимиз мисолида янада ёрқинроқ кўришимиз мумкин. Мамлакатимизда мустақилликнинг илк йилларидан қишлоқ инфратузилмасини ривожлантиришга, халқимиз фаровонлигини юксалтиришга алоҳида эътибор қаратиб келинмоқда. Натижада минглаб қишлоқларимиз тоза ичимлик суви, табиий газ билан таъминланди. Қишлоқлар

да барпо этилаётган замонавий мактаблар, касбхона коллежлари, маиший хизмат, сервис ва савдо марказлари уларнинг кўркига кўрк қўшмоқда. Аҳоли саломатлигини мустаҳкамлаш, соғлом турмуш тарзини шакллантириш, болалар спортини ривожлантиришга қаратилган изчил ислохотлар натижасида ўтган йиллар давомида кўплаб қишлоқ врачлик пунктлари, спорт иншоотлари бунёд этил-

ди. Қишлоққа саноатни, хизмат ва сервис шохобчаларини олиб кириш, замонавий техника ҳамда технологиялар билан жиҳозланган ихчам қайта ишлаш корхоналарини барпо этиш ва шу ҳисобдан қишлоқ аҳолиси, авваламбор, ёшларни иш билан таъминлаш, одамларнинг даромади ва фаровонлигини ошириш борасидаги ишлар ўзининг юқсак самараларини бераётир.

(Давоми иккинчи бетда)

Миллатлараро Тотувлик — ЭНГ катта бойлигимиз

Президентимиз Ислам Каримовнинг Ўзбекистон Республикаси давлат мустақиллигининг йигирма икки йиллигига бағишланган тантанали маросимдаги табрик сўзи катта қизиқиш билан ўрганилмоқда.

Президентимиз Ислам Каримов раҳнамолигида халқ фаровонлигини ошириш, жамиятимизда ижтимоий барқарорлик, тинчлик ва тотувликни таъминлаш йўлида амалга оширилаётган изчил ишлар ўзининг юқсак самараларини бермоқда. Бундай барқарорлик муҳитининг қарор топишида юртимиздаги барча миллат вакил-

ларининг бир оила фарзандларидек аҳил-иноқ яшаётгани, бунинг учун мамлакатимизда барча зарур шарт-шароит таъминлангани ҳам муҳим омил бўлаётир. Фуқаролар, айниқса, турли миллатлар ўртасида ўзаро меҳр-оқибатни янада мустаҳкамлашга давлатимиз томонидан алоҳида эътибор қаратилмоқда.

(Давоми тўртинчи бетда)

Бухорода "Судлар фаолиятига ахборот-коммуникация технологияларини жорий этиш — суд ишлари тезкорлигини оширишнинг муҳим омил: хорижий мамлакатларнинг илғор тажрибаси" мавзусида ҳаққаро илмий-амалий семинар бўлиб ўтди.

Ўзбекистон судлари фаолиятига ахборот-коммуникация технологияларини жорий этиш имконият ва истиқболлари

Тадбир Ўзбекистон Республикаси Олий суди ва Олий ҳўжалик суди томонидан БМТ Тараққиёт дастури, Германия халқаро ҳамкорлик жамияти (GIZ) кўмагида ташкил этилди. Унда мамлакатимиз Олий суди ва Олий ҳўжалик суди, умумий юрисдикция судлари судьялари, ҳуқуқшунос олимлар, Алоқа, ахборотлаштириш ва телекоммуникация технологиялари давлат кўмитаси вакиллари, Малайзия, Жанубий Корея, АҚШ, ГФР, Эстониядан экспертлар иштирок этди.

Ўзбекистон Республикаси Олий суди раиси Б.Мустафоев ва бошқалар Президентимиз Ислам Каримов раҳнамолигида ҳуқуқий демократик давлат ва кучли фуқаролик жамиятини қуриш борасида ўз йўлини танлаган мамлакатимизда инсон ҳуқуқ ҳамда манфаатлари ички ва ташқи сиёсатнинг устувор йўналиши сифатида белгиланганини таъкидлади. Судлар инсон ҳуқуқ ва эркинлигини ҳимоя қилиш тизимида муҳим ўрин тутмоқда.

(Давоми иккинчи бетда)

Мамлакатимизда аҳолининг малакали тиббий хизматдан фойдаланишига доир конституциявий ҳуқуқини таъминлаш, шунингдек, тиббий хизматларнинг сифатини ошириш учун тизимли равишда ташкилий, иқтисодий ва ҳуқуқий шарт-шароитлар яратишга алоҳида эътибор қаратиб келинмоқда.

Yangi qonun mohiyati

Соғлом турмуш тарзи

бу борадаги ҳуқуқий асослар янада такомиллаштирилди

Хусусан, 1996 йилда фуқароларнинг соғлигини сақлашга доир ҳуқуқлари давлат томонидан кафолатланишини таъминлаш, соғлом турмуш тарзини шакллантириш, давлат органлари, корхоналар, муассасалар, ташкилотлар, жамоат бирлашмаларининг фуқаролар соғлигини сақлаш соҳасидаги фаолиятини ҳуқуқий жиҳатдан тартибга солиш мақсадида "Фуқаролар соғлигини сақлаш тўғрисида"ги қонун қабул қилинди. 1998 йил

республикамизда соғлиқни сақлаш тизимида оид Давлат дастурининг қабул қилиниши эса, бу борада ўта муҳим қадам бўлди. Бунда, айниқса, юқумли ва вирусли касалликларнинг олдини олиш, аҳолининг одамнинг иммунитет танқислиги вируси (ОИВ) чакирадиган ОИТСдан ишончли ҳимоя қилиш бўйича санитария-эпидемиология тизимини тубдан яхшилашга алоҳида эътибор қаратилди.

(Давоми учинчи бетда)

Qonun ijodkorligi

Суд кадрларини танлашнинг самарали тизими

Мамлакатимизда суд ҳокимиятининг мустақиллигини таъминлашга қаратилган кенг кўламли ислохотлар изчиллик билан амалга оширилиб келинмоқда. Айниқса, мустақилликнинг дастлабки йиллариданоқ суд кадрларини танлаш ва тайинлашнинг самарали ҳамда демократик ҳуқуқий механизмини яратишга алоҳида эътибор қаратилди. Судьяларни танлаш ва лавозимларга тавсия этиш бўйича Олий малака комиссияси ташкил этилди.

Бундан кўзланган асосий мақсад — соҳага ёш кадрларни кенг жалб этиш, уларнинг ҳуқуқ ва эркинликларини муносиб ҳимоя қилиш, судьялар захирасини шакллантириш ҳамда сиёсий-ҳуқуқий билимларини бойитишдан иборатдир. Президентимизнинг 2012 йил 30 ноябрдаги "Судлар фаолиятини янада такомиллаштиришнинг ташкилий

чора-тадбирлари тўғрисида"ги Фармони ва 2012 йил 29 декабрдаги "Ўзбекистон Республикаси Президенти ҳузурдаги Судьяларни танлаш ва лавозимларга тавсия этиш бўйича олий малака комиссияси фаолиятини такомиллаштириш тўғрисида"ги Фармойиши ушбу йўналишда навбатдаги муҳим қадам бўлди. Таъкидлаш жоизки, Президенти

дентимизнинг ушбу Фармони билан судьялик лавозимига номзодларга, суд кадрлари захирасини шакллантиришга, уларнинг ҳуқуқий билим даражасини оширишга нисбатан талаблар янада кучайтирилди. Фармойишда судьялик лавозимларига номзодларни танлаш, тайёрлаш тизимининг ташкилий-ҳуқуқий механизмларини тубдан яхшилаш ва такомиллаштириш бўйича кечиктириб бўлмайдиган чораларни кўриш, суд ҳокимиятининг том маънодаги мустақиллигини таъминлаш, Судьяларни танлаш ва лавозимларга тавсия этиш бўйича Олий малака комиссияси фаолиятини янада такомиллаштириш бўйича муҳим чора-тадбирлар белгилаб берилди.

(Давоми учинчи бетда)

Халқимиз асрлар давомида бағрикенглик, инсонийлик, кечиримлик сингари улут фазилатлари билан ўзлигини намоён этиб келмоқда. Шу боисдан ҳам адашганга тўғри йўл кўрсатиш, йиқилганни суяш каби фазилатлар халқимиз табиатидан чуқур жой олган миллий қадриятлар ҳисобланади.

Insonparvarlik tamoyillari

Бағрикенглик — халқимизга хос фазилат

Истиқлол йилларида суд-ҳуқуқ тизимида жорий этилган ярашув институти тезда оммалашганини ҳам, энг аввало, унинг миллий

қадриятларимизга ҳам-оҳанг эканлиги билан изоҳлаш мумкин. (Давоми учинчи бетда)

Qonun ko'magi

Жамият барқарорлиги кафолати

бунда тадбиркорлик ривожини муҳим ўрин тутмоқда

Бугунги кунда кичик бизнес ва хусусий тадбиркорликни ривожлантириш учун қулай ишбилармонлик муҳитини шакллантиришга давлатимиз томонидан алоҳида эътибор берилмоқда.

(Давоми иккинчи бетда)



